

ВЫНСЬӨДӨМА  
Коми Республикаса Веськөдлан котырлөн  
2020 во лөддза-номъя тöлысь 15 лунся 304 №-а шуөмөн  
(12 №-а содтөд)

“Лунвывнюр” республика төдчанлуна  
канму вөр-ва заказник йылысь  
**ПОЛОЖЕНИЕ**

1. Панас

“Лунвывнюр” республика төдчанлуна канму вөр-ва заказник (водзö – заказник) артмөдöма “Коми АССР-ын выль заказникъяс да вөр-ва памятникъяс артмөдөм йылысь” Коми АССР-са Министръяс Сöветлөн 1989 во кöч тöлысь 26 лунся 193 №-а шуөмөн.

Заказник лөö республика төдчанлуна торйөн ёна видзан вөр-ва мутасөн (водзö – ООПТ) да сылөн эм гидрологическöй (нюрвывса) нырвизь.

ООПТ-лөн тыр ним: “Лунвывнюр” республика төдчанлуна канму вөр-ва заказник.

ООПТ-лөн дженъыд ним: “Лунвывнюр” заказник.

Заказниксö артмөдöма вына кадколаст урчиттöг да заказниклөн мудоръясын меститчысь му участокъяссö вöдитчысьяслысь, кутысьяслысь да кийн кутысьяслысь босьттöг.

Заказник котыртан да сйöс уджөдан юкöнын канмусянь веськөдлöмыс, заказник видзан да сыөн вöдитчан юкöнын канму дöзьöрыс збыльмөдсьö Коми Республикаса Веськөдлан котырөн уполномочитöм Коми Республикаса олөмö пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогъяссö (водзö – заказникөн веськөдлысь орган).

2. Заказник артмөдан медшөр могъяс да сылөн могъяс

2.1. Заказниксö артмөдöма сы могысь, медым видзны олигомезотрофнöй нюрлысь системасö.

2.2. Заказниклөн шөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö;

видзны ва экосистемаяслысь гидрологическöй режимсö;

туявны вөр-ва комплексъясн ывлывса процессъяссö да видзöдны экосистемаяслön серпас вежсьöм бöрся.

### 3. Заказниклön меститчанін да площадь

3.1. Заказник меститчö “Кöрткерöс” муниципальной районса муниципальной юкөнлön мутасын Додз сиктссянь 3 км асыввывлань, Кöрткерöсса лесничестволön Кöрткерöсса участковой лесничестволön 4-10, 22-27 кварталъяслön мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын \*.

3.2. Заказник мутаслön площадьюс лоö 1360 га.

---

\* Оз йöзöдсьы.

### 4. Заказниклön мудоръяс

4.1. Заказниклön мудорыс мунö Кöрткерöсса лесничестволön Кöрткерöсса участковой лесничестволön 4 кварталса 10 выделлön рытиввыв помсянь водзö 4 кварталса 10 выделлön войвыв мудорті, 5 кварталса 7 выделлön войвыв мудорті, 5 кварталлön лунвыв мудорті, 6 кварталса 9 выделлön войвыв мудорті, 6 кварталса 10 выделлön войвыв да асыввыв мудорті, 7 кварталса 17 выделлön войвыв да асыввыв мудорті, 7 кварталса 20, 19 выделъяслön войвыв мудоръясті, 8 кварталса 12 выделлön войвыв мудорті, 9 кварталса 7 выделлön войвыв да асыввыв мудорті, 10 кварталса 5 выделлön рытиввыв, войвыв да лунвыв мудоръясті, 9 кварталса 10 выделлön асыввыв мудорті, 27 кварталса 1 выделлön асыввыв да лунвыв мудоръясті, 26 кварталса 1 выделлön лунвыв мудорті, 25 кварталса 2 выделлön лунвыв мудорті, 24 кварталса 3 выделлön лунвыв мудорті, 23 кварталлön лунвыв мудорті, 39 кварталса 6 выделлön лунвыв мудорті, 38 кварталса 6 выделлön лунвыв да рытиввыв мудоръясті, 22 кварталса 19 выделлön лунвыв, рытиввыв да войвыв мудоръясті, 38 кварталса 6 выделлön рытиввыв мудорті, 22 кварталса 17 выделлön лунвыв, рытиввыв да войвыв мудоръясті, 23 кварталса 6 выделлön лунвыв, асыввыв да войвыв мудоръясті, 22 кварталса 15 выделлön войвыв, рытиввыв да лунвыв мудоръясті, 23 кварталса 7 выделлön войвыв, асыввыв да лунвыв мудоръясті, 22 кварталса 13 выделлön лунвыв, рытиввыв да войвыв мудоръясті, 22 кварталса 10

выделлөн войвыв мудорті, 23 кварталлөн рытиввыв мудорті, 22 кварталса 2 выделлөн лунвыв да рытиввыв мудорьясті, 5 кварталса 7 выделлөн рытив-лунвыв мудорті, 4 кварталса 10 выделлөн лунвыв мудорті петан чутөдз.

Заказниклөн мутасө сідзжө тырвыйö пырöны Кörtкерöсса лесничестволөн Кörtкерöсса участковöй лесничестволөн 22 кварталса 11 выдел, 23 кварталса 1-5 выдельяс, 24 кварталса 1, 2 выдельяс да 24 кварталса 1 выдел.

4.2. Заказниклысь мудорьяссö петкөдлöма карта-схема вылын тайö Положение дорö 2 содтöдын \*.

---

\* Оз йöзöдсьы.

## 5. Заказниклөн мудорьясын меститчысь видзан вөр-ва комплексьяс да налөн компонентьяс

Резерватын кольö Кузьнюр, мый артмөдö нюрлысь öтувья олигомезотрофнöй системасö. Нюрывса быдмөгьяслөн öткотырьясыс уна пöлөсöсь да топыда йитчöмаöсь сьлөн куйлан геоморфологической условиеяскöд, а сідзжө ва да минеральяс босьтан аслыспöлөслуныяскöд.

Нюр шöрын зэв уналаын быдмöны пожöма-куста-эжöра-шейхцериая-кадвужа-нитшка комплексьяс. Пу яруссö артмөдöны обыкновеннöй пожöм (*Pinus sylvestris*), пуяслөн шöркодъ джудждаыс лоö 4 м. Микрорельефыс вутшка-йөнöда, мукöдлаын эмöсь мусюрьяс. Туруна-куста ярусун джуджыдджыкиньясын быдмöны льяк кыз (*Betula nana*), кузьмөс корья подбел (*Andromeda polifolia*), керч (*Ledum palustre*), гöгрөс турипув (*Oxycoccus palustris*), гöгрөс корья лысва турун (*Drosera rotundifolia*), шерстистоплоднöй эжөр (*Carex lasiocarpa*). Вутшьяс да мусюрьяс вылын быдмöны магелланскöй нюр нитш (*Sphagnum magellanicum*) да обманчивöй нюр нитш (*S. Fallax*) либö рудовгöрд нюр нитш (*S. Fuscum*). Йөнөдьясын быдмöны турун, нюр нитш да зыбуч эжөр (*Carex limosa*), нырвывса шейхцериая (*Scheuchzeria palustris*), кадвуж (*Menyanthes trifoliata*), кодьяс быдмöны ыджыд нюр нитш вылын (*Sphagnum molle*). Нюр лунвывланьыс тайö комплексьясыс вежсьöны пожöма-ерник-куста-кадвужа-эжöра-нитшка комплексьяс вылö. Вутшкыс тані босьтö площадьысь 60%. Сэні быдмö уна льяк кыз, керч, гöгрөс турипув, кадвуж (*Menyanthes trifoliata*), шерстистоплоднöй эжөр.

Олиготрофнöй участокьяслы лöсялöны ыджыды вутшка микрорельеф.

Сэни быдмёны обыкновенной пожом, быдмөгьяслөн веркёсыс өткодь пожомакуста-мырпома-гёнаюра-нитшка. Вутшьяслөн да мусюрьяслөн джудждаыс 0.3 м да найё босётёны комплекслөн площадьыс 80 %. Мусюрьяс вылын быдмёны 1.5-3.0 м джуджда обыкновенной пожомьяс, обыкновенной чөдлач (*Vaccinium uliginosum*), нюрвывса могма турун (*Chamaedaphne calyculata*), керч (*Ledum palustre*), мырпом (*Rubus chamaemorus*). Паньдасьлёны ляк кыз, кузьмёс корья подбел, гөгрёс турипув, гөгрёс корья лысва турун да влагалищной гёнаюр (*Eriophorum vaginatum*). Мусюрьясса му эждлөн эдификаторён лоё рудовгөрд нюр нитш. Ичөт вутшьяс вылын быдмёны магелланской нюр нитш да обманчивой нюр нитш. Ляпкыджыкиньясыс куста-гёнаюра-нитшка.

Рытыв-лунвылын тшөтшкөсіньясын, васөдіньясын ёнджыкасё быдмёны турун сора бадьлөн өткотырьяс. Куста яруссыс артмё лопарской баддысь (*Salix lapponum*), нюр выв баддысь (*S. myrtilloides*) да мукөдысь. Туруньяс пөвстын быдмёны эжөрьяс (бутыльчатой эжөр (*C. rostrata*), двудомной эжөр (*C. dioica*), сближенной эжөр (*C. appropinquata*), шерстистоплодной эжөр (*C. Lasiocarpa*)) да турун сорас (обыкновенной шлемник (*Scutellaria galericulata*), юсь турун (*Equisetum fluviatile*), нюр выв гөгьярөз турун (*Galium uliginosum*), нырвывса горичник (*Peucedanum palustre*), нюр выв вой турун (*Epilobium palustre*), зыбун турун (*Comarum palustre*) да мукөд).

Нюрын быдмё уна сикас быдмөг да арталёны налысь 70 гөгөр сикас, тшөтш и споровойяс.

## 6. Заказник торйөн ёна видзан режим

6.1. Заказниклөн мутасын оз позь вёчны овмёс нуөдан да мукөд удж, мый вёсна вермас торксьыны экосистемалөн дзоньлуныс, сы лыдын:

- 1) капитальной стрөитан объектьяс стрөитём;
- 2) линейной объектьяс стрөитём, тайё Положениелөн 6.2 пунктын индём случайяс кындзи;
- 3) абу капитальной стрөйбаяс да сооружениеяс стрөитём, заказниклысь уджалёмсё могмөдём могысь стрөитём кындзи;
- 4) пуяс да кустьяс кералём да механической жугөдём (виччысьтём да аварийной ситуацияяс кындзи);
- 5) абу пуа вөр ресурсьяс, вёрса сёян-юан да бурдөдан быдмөгьяс заптём да чукөртём, индём ресурсьяссё да быдмөгьяссё гражданаён асланыс могьяс вылө заптём да чукөртём кындзи;
- 6) прөмыслөвөя кыйсьём;

7) муяс бурмөдөм;

8) химия препаратъяс да мувердас видзөм да наён вөдитчөм;

9) туйясысь, кутшөмъяс эмөсь, да торйөн индөм местаясысь бокин механизируйтөм транспортлөн ветлөм да сулалөм (заказник видзөм серти мероприятиеяс, а сідзжө заказник мудоръясын меститчөм вөр-ва комплексъяс да налысь компонентъяс видзөм да бөр лөсьөдөм серти мероприятиеяс нуөдөмкөд йитчөм случайяс кындзи), механической транспорт средствояс кындзи, кодъяс ветлөдлөны да сулалөны төвнас, кор усьөма лым сэк, кор оз лэдзны му эжөд, быдмөгъяс да вөр пуктасъяс жугөдөмсө;

10) туясян (корсьысян, геофизической, геологоразведочной) уджъяс, муывса механизируйтөм средствоясөн вөдитчөмкөд да му эжөд да быдмөгъяс торкалөмкөд абу йитчөм уджъяс кындзи;

11) мупытшса озырлун, сы лыдын трунда, корсьөм да перйөм;

12) заказниклысь мутас ёгөсьтөм да няйтчөдөм, а сідзжө производство да потребление шыбласъяс меститөм (видзөм да гуалөм), ортсө лэдзан ва нуөдөм;

13) геологической, ботанической, зоологической да мукөд коллекция чукөртөм, наука-туялан могъясын найөс чукөртөм кындзи заказникөн веськөдлан органкөд сөгласуйтөмөн;

14) му эжөд да быдмөгъяс торкалөм, вөчны позяна удж сикасъяс збыльмөдан случайяс кындзи;

15) позъяс жугөдөм;

16) аншлагъяс, шлагбаумъяс, стендъяс, мудор петкөдлысь сюръяяс, мукөд юөртан пас да индалысь, экологической ордымъясса да шойччан местаясса оборудование бырөдөм да торкөм, пуяс вылын гижалөм да пасъяс вөчөм.

6.2. Заказниклөн мутасын позьө:

1) нуөдны наука-туялан уджъяс заказникөн веськөдлысь органкөд сөгласуйтөмөн;

2) кыйсыны любительскөя да спортивнөя оланпастэчасөн урчитөм пөрадокын;

3) котыртны да нуөдны вөр овмөс да нуөдны вөръясын пөжарысь да санитарной боксянь видзчысьөмсө могмөдөм серти мероприятиеяс вөр йитөдъяс ладмөдан юкөнын оланпастэчасөн урчитөм пөрадокын тайө Положениелөн 6.1 пунктса корөмъяс төд вылө босьтөмөн;

4) стрөитны, выльмөдны, уджөдны линейной объектъяс сэк, кор найөс меститны мөд позянлуныс абу, а сідзжө заказник уджөдөмсө могмөдөм могысь,

заказникон веськөдлан органкөд сөгласуйтөмөн;

5) капиталнөя дзоньтавны линейнөй объектъяс заказникон веськөдлан органкөд сөгласуйтөмөн;

6) овмөс да мукөд удж нуөдан мөд сикасьяс, мыйысь абу өлөдөма вөр-ваөн вөдитчан да гөгөртас видзан юкөнын оланпастэчасөн да тайө Положениеөн, оланпастэчасөн урчитөм пөрадокын.

## 7. Бөртас

7.1. Заказниксө, сы лыдын сылөн мутасын меститчысь вөр-ва комплексъяссө да налысь компонентъяссө, видзөны вөр-ваөн вөдитчан да гөгөртас видзан юкөнын оланпастэчас серти.

7.2. Заказниклөн вөр-ва комплексъяслы да налөн компонентъяслы лектор вөчан грөз артмөм дырйи сылөн мутасын вөчны поэна удж сикасьяссө дзескөдөны, недыр кад кезлө дугөдөны либө дугөдөны оланпастэчасөн урчитөм пөрадокын.

7.3. Заказниклысь мутассө места вылын индөны өлөдан да юөртан пасъяс сувтөдөмөн, а сідзжө торйөдөны тематическөй картография материалъяс вылын.

7.4. Заказниклөн вөр-ва комплексъяслы либө налөн компонентъяслы вөчөм лекторсө колө вештыны Россия Федерацияса оланпастэчас серти.

7.5. Йөзөс, кодъяс мыжаөсь заказник торйөн ёна видзан урчитөм режим торкөмын, кыскөны кывкутөмө Россия Федерацияса оланпастэчас серти.

7.6. Заказник торйөн ёна видзан урчитөм режимлөн уджалөм да сийөс могмөдөм серти мероприятиеяс збыльмөдсьөны Коми Республикаса республиканскөй сьөмкүд сьөм да оланпастэчасөн абу өлөдөм мукөд өшмөс тшөт весьтө.

---

Пасйөд. Меститчанінсө да мудоръяссө опишитөма Көрткерөсса лесничестволөн 1992 вося вөр овмөс котыртан да нуөдан материалъяс төд вылө босьтөмөн.